

**PRAVILNIK
O MJERAMA ZA SPRJEČAVANJE ŠIRENJA VISOKO
PATOGENE INFLUENCE PTICA NA DRUGE PTICE
DRŽANE U ZATOČENIŠTVU U ZOOLOŠKIM
VRTOVIMA I ODOBRENIM TIJELIMA, INSTITUTIMA
ILI CENTRIMA**

Član 1.

(Predmet)

Ovim Pravilnikom se propisuju:

- a) pravila koja se primjenjuju radi sprječavanja širenja virusa visoko patogene influence ptica s ptica koje žive u divljini ili u slučaju izbijanja bolesti kod peradi ili drugih ptica držanih u zatočeništvu na druge ptice držane u zatočeništvu u zooološkim vrtovima i odobrenim tijelima, institutima ili centrima; i
- b) pravila za preventivnu vakcinaciju drugih ptica držanih u zatočeništvu u zooološkim vrtovima i odobrenim tijelima, institutima ili centrima.

Član 2.

(Definicije)

Za potrebe ovog Pravilnika, primjenjuju se sljedeće definicije:

- a) definicije iz člana 2. Pravilnika o mjerama za suzbijanje i kontrolu influence ptica ("Službeni glasnik BiH", broj 35/10);
- b) definicija zoooloških vrtova iz člana 3. Pravilnika o uslovima za osnivanje i rad zoooloških vrtova ("Službeni glasnik BiH", broj 27/10);
- c) "odobrena tijela, instituti ili centri" predstavljaju bilo koje trajne, geografski ograničene objekte odobrene od strane nadležnih organa entiteta i Brčko Distrikta Bosne i Hercegovine (u daljnjem tekstu: Brčko Distrikt) gdje se jedna ili više vrsta životinja stalno drže ili uzgajaju, bilo za komercijalne ili nekomercijalne svrhe i isključivo za jednu od sljedećih svrha:
 - 1) prikazivanje životinja i edukacija javnosti;
 - 2) konzervacija vrsta;
 - 3) osnovna ili primijenjena naučna istraživanja ili uzgoj životinja u cilju takvog istraživanja;
- d) "nadležni organi za provođenje ovog Pravilnika" u koje spadaju:
 - 1) Ministarstvo vanjske trgovine i ekonomskih odnosa Bosne i Hercegovine - Ured za veterinarstvo Bosne i Hercegovine (u daljnjem tekstu: Ured);
 - 2) nadležni organi entiteta i Brčko Distrikta - su nadležni organi definirani Zakonom o veterinarstvu ("Službene novine FBiH", broj 46/00), Zakonom o veterinarstvu u Republici Srpskoj ("Službeni glasnik RS", br. 42/08 i 6/12) i Zakonom o veterinarstvu u Bosni i Hercegovini ("Službeni glasnik BiH", broj 34/02) u slučaju Brčko Distrikta Bosne i Hercegovine (u daljnjem tekstu: nadležni organi entiteta i Brčko Distrikta);
 - 3) nadležni veterinarski inspekcijски organi - su nadležni organi definirani Zakonom o inspekcijama u Federacije Bosne i Hercegovine ("Službene novine FBiH", broj 69/05), Zakonom o inspekcijama Republike Srpske ("Službeni glasnik RS", broj 74/10) i Zakonom o inspekcijama Brčko Distrikta

Bosne i Hercegovine ("Službeni glasnik Brčko Distrikta BiH", br. 24/08 i 25/08).

Član 3.

(Mjere za smanjenje opasnosti od prijenosa visoko patogene influence ptica)

- (1) Ured u saradnji s nadležnim organima entiteta i Brčko Distrikta poduzima odgovarajuće i primjenjive mjere za smanjenje opasnosti prijenosa visoko patogene influence ptica s ptica koje žive u divljini na druge ptice koje se drže u zatočeništvu u zooološkim vrtovima i odobrenim tijelima, institutima ili centrima, uzimajući u obzir načela i faktore rizika određene u Prilogu I. koji je sastavni dio ovoga Pravilnika.
- (2) Odredbe stava (1) ovoga člana primjenjuju se i u slučaju izbijanja bolesti u peradi u zemlji ili drugim državama što bi moglo ugroziti zdravstveni status drugih ptica držanih u zatočeništvu u zooološkim vrtovima i odobrenim tijelima, institutima ili centrima.
- (3) Ovisno o specifičnoj epidemiološkoj situaciji, mjere iz stava (1) ovoga člana naročito su usmjerene na sprječavanje direktnog i indirektnog kontakta između ptica koje žive u divljini, naročito močvarica i drugih ptica držanih u zatočeništvu u zooološkim vrtovima i odobrenim tijelima, institutima ili centrima.

Član 4.

(Planovi za preventivnu vakcinaciju)

Planovi za preventivnu vakcinaciju koji se odnose na druge ptice držane u zatočeništvu u zooološkim vrtovima i odobrenim tijelima, institutima ili centrima, izrađuju se u skladu s članom 58. stav (2) Pravilnika o mjerama za suzbijanje i kontrolu influence ptica i moraju udovoljavati zahtjevima određenim u Prilogu II. koji je sastavni dio ovoga Pravilnika.

Član 5.

(Odobranje planova za preventivnu vakcinaciju)

Planovi preventivne vakcinacije se odobravaju u skladu s članom 59. stav (2) Pravilnika o mjerama za suzbijanje i kontrolu influence ptica.

Član 6.

(Dostupnost i podaci o planovima preventivnog cijepjenja)

- (1) Ured, uz saglasnost nadležnih organa entiteta i Brčko Distrikta, prije uvođenja preventivne vakcinacije, sastavlja spisak s tačnim adresama i lokacijama zoooloških vrtova, odobrenih tijela, instituta ili centara u kojima se mora provesti vakcinacija i ažurira navedeni spisak.
- (2) Nadležni organi entiteta i Brčko Distrikta dostavljaju Uredu svake godine, najkasnije do 30. marta, izvještaj o provedbi odobrenih planova preventivne vakcinacije za prethodnu godinu u skladu s obrascem za izvještavanje iz Priloga III. koji je sastavni dio ovoga Pravilnika.

Član 7.

(Stupanje na snagu)

Ovaj Pravilnik stupa na snagu danom donošenja i objavljuje se u "Službenom glasniku BiH".

VM broj 12/14
22. januara 2014. godine
Sarajevo

Predsjedavajući
Vijeća ministara BiH
Vjekoslav Bevanda, s. r.

PRILOG I.

Načela i faktori rizika koji se uzimaju u obzir prilikom primjene mjera određenih u članu 3. ovog Pravilnika u zooološkim vrtovima i odobrenim tijelima, institutima ili centrima

1. Lokacija zoooloških vrtova i odobrenih tijela, instituta ili centara uz migratorne puteve ptica, naročito iz zemalja u

- kojima je potvrđena visoko patogena influenza ptica, uzimajući u obzir otkriveni serotip i vjerovatnost da su divlje ptice zaražene.
- Udaljenost zooloških vrtova i odobrenih tijela, instituta ili centara od močvarnih područja i vodenih površina poput ribnjaka, močvara, jezera ili rijeka na kojima se okupljaju migratorne vodene ptice.
 - Lokacija zooloških vrtova i odobrenih tijela, instituta ili centara u područjima visoke gustoće ptica selica, naročito vodenih ptica.

PRILOG II.

Zahtjevi za korištenje preventivne vakcinacije u skladu s odredbama člana 4. ovog Pravilnika

1.	Obim vakcinacije koja se mora provesti	Vakcinacija protiv influence ptica provodi se samo kod ptica koje su držane u zoološkim vrtovima i odobrenim tijelima, institutima ili centrima. Nadležni organ entiteta i Brčko Distrikta vodi popis zooloških vrtova i odobrenih tijela, instituta ili centara tokom barem pet godina od datuma takve vakcinacije.
2.	Vrste ptica koje se moraju vakcinirati	Nadležni organ entiteta i Brčko Distrikta izvještava Ured o popisu ptica koje se moraju cijepiti zajedno s pojedinačnom identifikacijom i čuva ga barem pet godina od datuma vakcinacije.
3.	Trajanje vakcinacije	(a) Sve ptice koje se moraju vakcinirati u zoološkim vrtovima i odobrenim tijelima, institutima ili centrima vakciniraju se koliko je to moguće brže. (b) Podmladak, novounesene ptice i ptice kod kojih je dokazan nedovoljan imunosni odgovor isto se tako moraju vakcinirati. (c) Kako bi se održao imunosni status ptica, preporučuje se godišnje ponavljanje vakcinacije.
4.	Posebni zahtjevi za kretanje ptica	(a) Vakcinirane ptice držane u odobrenim tijelima, institutima ili centrima uključujući zoološke vrtove u kojima se provodi vakcinacija mogu se premještati u druga odobrena tijela, institute ili centre pod uslovom da udovoljavaju zahtjevima propisanim odredbama ovog Pravilnika i da su propraćene odgovarajućom veterinarsko-zdravstvenom svjedodžbom definiranoj u Odluci o veterinarskoj svjedodžbi o zdravstvenom stanju Životinja i pošiljaka Životinjskog

		porijekla u unutrašnjem i međunarodnom prometu ("Službeni glasnik BiH", br. 33/03, 14/04, i 35/05) sa sljedećim tekstom: "Ptice udovoljavaju zahtjevima Pravilnika o mjerama za sprječavanje širenja visoko patogene influence ptica na druge ptice držane u zatočeništvu u zoološkim vrtovima i odobrenim tijelima, institutima ili centrima i vakcinirane su protiv influence ptica dana..... (datum) vakcinom..... (naziv)". (b) Kada se više ne primjenjuje vakcinacija ptica držanih u zoološkim vrtovima i odobrenim tijelima, institutima ili centrima, uslovi za premještanje ptica predviđeni u tački (a) održavaju se tokom perioda od 12 mjeseci od datuma vakcinacije posljednje ptice.
5.	Posebna identifikacija i posebna registracija vakciniranih ptica	Vakcinirane ptice moraju se moći pojedinačno identificirati i identifikacijske evidencije o navedenim pticama moraju se primjereno i nedvojbeno voditi. Kada god je to moguće, na ostale ptice iz zatočeništva se u vrijeme vakcinacije stavlja neizbrisiva oznaka koja pokazuje da su vakcinirane.
6.	Provođenje kampanje vakcinacije	a) Vakcinacija se provodi pod nadzorom veterinarar i moraju se uspostaviti nužne mjere radi izbjegavanja mogućeg širenja virusa. (b) Veterinar dostavlja evidenciju o broju vakciniranih ptica i broj doza vakcina nadležnim tijelima entiteta i Brčko Distrikta, nakon provedene vakcinacije i nakon toga jednom mjesečno, ukoliko se vakciniraju daljnje ptice kako je navedeno u tački 3. podtački (b) ovog Priloga. (c) Kad god je to moguće, prije vakcinacije i najmanje 30 dana nakon datuma svake vakcinacije uzimaju se uzorci krvi od 10 % ptica radi seroloških pretraga na influencu ptica. Evidencije o nalazima pretraga moraju se čuvati barem pet godina od datuma vakcinacije.
7.	Vaccine koje će se koristiti	Inaktivirana vakcina koje će se koristiti mora biti primjereno formulirana i biti efikasna protiv virusa visoko patogene influence ptica podtipa H5 ili H7 ili oba. Ono se koristi u skladu s uputama proizvođača.

PRILOG III.

Obrazac za izvještavanje radi provedbe odobrenih planova preventivne vakcinacije u skladu s članom 6. stav (2) ovog Pravilnika

Opći podaci						
Entitet	Zoološki vrt	Vakcina	Način (navesti ukoliko je različit kod različitih vrsta)	Težina – Režim doza koji se koristi (Stvarna/procijenjena/prosječna težina vrste)	Vremenski razmak vakcinacije	Vremenski razmak od posljednje vakcinacije do sakupljanja krvi nakon vakcinacije

Titar antitijela seruma u HI							
Engleski naziv/uobičajeni naziv	<i>Latinski naziv</i>	Taksonomski red	Pojedinačna identifikacija	Vakcina Doza (ml)	Prije vakcinacije	Nakon prve vakcinacije	Nakon druge vakcinacije

Nepoželjni pojedinačni učinci		Uginuća	
Lokalni	Opći	Izravna (ulov/rukovanje)	Odgodena (navesti uzrok smrti)

Podaci koji se zahtijevaju od laboratorija				
Soj virusa vaccine	Antigeni (sojevi virusa) korišteni u testu HI	Krajnji ili završni titar korišten kao mjera efikasnosti vaccine	Korišteni referentni serum	Metodologija

Na temelju članka 15. stavak 2. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 80. sjednici održanoj 22. siječnja 2014. godine, donijelo je

PRAVILNIK
O MJERAMA ZA SPRJEČAVANJE ŠIRENJA VISOKO
PATOGENE INFLUENCE PTICA NA DRUGE PTICE
DRŽANE U ZATOČENIŠTVU U ZOOLOŠKIM
VRTOVIMA I ODOBRENIM TIJELIMA, INSTITUTIMA
ILI CENTRIMA

Članak 1.

(Predmet)

Ovim se Pravilnikom propisuju:

- a) pravila koja se primjenjuju radi sprječavanja širenja virusa visoko patogene influence ptica s ptica koje žive u divljini ili u slučaju izbijanja bolesti kod peradi ili drugih ptica držanih u zatočeništvu na druge ptice držane u zatočeništvu u zoološkim vrtovima i odobrenim tijelima, institutima ili centrima; i
- b) pravila za preventivnu vakcinaciju drugih ptica držanih u zatočeništvu u zoološkim vrtovima i odobrenim tijelima, institutima ili centrima.

Članak 2.

(Definicije)

Za potrebe ovoga Pravilnika, primjenjuju se sljedeće definicije:

- a) definicije iz članka 2. Pravilnika o mjerama za suzbijanje i kontrolu influence ptica ("Službeni glasnik BiH", broj 35/10);
- b) definicija zooloških vrtova iz članka 3. Pravilnika o uvjetima za osnivanje i rad zooloških vrtova ("Službeni glasnik BiH", broj 27/10);
- c) "odobrena tijela, instituti ili centri" predstavljaju bilo koje trajne, zemljopisno ograničene objekte odobrene od strane mjerodavnih tijela entiteta i Brčko Distrikta Bosne i Hercegovine (u daljnjem tekstu: Brčko Distrikt) gdje se jedna ili više vrsta životinja stalno drže ili uzgajaju, bilo za komercijalne ili nekomercijalne svrhe i isključivo za jednu od sljedećih svrha:
 - 1) prikazivanje životinja i edukacija javnosti;
 - 2) konzervacija vrsta;
 - 3) osnovna ili primijenjena znanstvena istraživanja ili uzgoj životinja u cilju takvog istraživanja;
- d) "mjerodavna tijela za provođenje ovoga Pravilnika" u koje spadaju:
 - 1) Ministarstvo vanjske trgovine i ekonomskih odnosa Bosne i Hercegovine - Ured za veterinarstvo Bosne i Hercegovine (u daljnjem tekstu: Ured);
 - 2) mjerodavna tijela entiteta i Brčko Distrikta - su mjerodavna tijela definirana Zakonom o veterinarstvu ("Službene novine FBiH", broj 46/00), Zakonom o veterinarstvu u Republici Srpskoj ("Službeni glasnik RS", br. 42/08 i 6/12) i Zakonom o veterinarstvu u Bosni i Hercegovini ("Službeni glasnik BiH", broj 34/02) u slučaju Brčko Distrikta Bosne i

Hercegovine (u daljnjem tekstu: mjerodavna tijela entiteta i Brčko Distrikta);

- 3) mjerodavna veterinarska inspeksijska tijela - su mjerodavna tijela definirana Zakonom o inspekcijama u Federacije Bosne i Hercegovine ("Službene novine FBiH", broj 69/05), Zakonom o inspekcijama Republike Srpske ("Službeni glasnik RS", broj 74/10) i Zakonom o inspekcijama Brčko Distrikta Bosne i Hercegovine ("Službeni glasnik Brčko Distrikta BiH", br. 24/08 i 25/08).

Članak 3.

(Mjere za smanjenje opasnosti od prijenosa visoko patogene influence ptica)

- (1) Ured u suradnji s mjerodavnim tijelima entiteta i Brčko Distrikta poduzima odgovarajuće i primjenjive mjere za smanjenje opasnosti prijenosa visoko patogene influence ptica s ptica koje žive u divljini na druge ptice koje se drže u zatočeništvu u zoološkim vrtovima i odobrenim tijelima, institutima ili centrima, uzimajući u obzir načela i faktore rizika određene u Privitku I. koji je sastavni dio ovoga Pravilnika.
- (2) Odredbe stavka (1) ovog članka primjenjuju se i u slučaju izbijanja bolesti u peradi u zemlji ili drugim državama što bi moglo ugroziti zdravstveni status drugih ptica držanih u zatočeništvu u zoološkim vrtovima i odobrenim tijelima, institutima ili centrima.
- (3) Ovisno o specifičnoj epidemiološkoj situaciji, mjere iz stavka (1) ovog članka posebice su usmjerene na sprječavanje izravnog i neizravnog kontakta između ptica koje žive u divljini, osobito močvarica i drugih ptica držanih u zatočeništvu u zoološkim vrtovima i odobrenim tijelima, institutima ili centrima.

Članak 4.

(Planovi za preventivnu vakcinaciju)

Planovi za preventivnu vakcinaciju koji se odnose na druge ptice držane u zatočeništvu u zoološkim vrtovima i odobrenim tijelima, institutima ili centrima, izrađuju se sukladno članku 58. stavak (2) Pravilnika o mjerama za suzbijanje i kontrolu influence ptica i moraju udovoljavati zahtjevima određenim u Privitku II. koji je sastavni dio ovoga Pravilnika.

Članak 5.

(Odobranje planova za preventivnu vakcinaciju)

Planovi preventivne vakcinacije se odobravaju sukladno članku 59. stavak (2) Pravilnika o mjerama za suzbijanje i kontrolu influence ptica.

Članak 6.

(Dostupnost i podaci o planovima preventivnog cijepjenja)

- (1) Ured, uz suglasnost mjerodavnih tijela entiteta i Brčko Distrikta, prije uvođenja preventivne vakcinacije, sastavlja spisak s točnim adresama i lokacijama zooloških vrtova, odobrenih tijela, instituta ili centara u kojima se mora provesti vakcinacija i ažurira navedeni spisak.
- (2) Mjerodavna tijela entiteta i Brčko Distrikta dostavljaju Uredu svake godine, najkasnije do 30. ožujka, izvješće o provedbi odobrenih planova preventivne vakcinacije za prethodnu godinu sukladno obrascu za izvješćavanje iz Privitka III. koji je sastavni dio ovoga Pravilnika.